

是等自在力故所作業用不可思議又一切佛所作諸佛應所作事業用不可思議如是集諦惣有四種行相差別謂因相集相生相緣相云何因相謂能引發復有習氣因是名因相云何集相謂彼彼有情所集習氣於彼皮有情類為等起因是名集相云何生相謂名別內身無量品類差別生因是名生相云何緣相謂諸有情別別得捨因是名緣相

大乘阿毗達磨集論卷第四

非四

輓音株 下音樹 無枝也 稠直流反 匱求位反 中庸下音容也 和思作 扇下音扇 掃下音掃 匱求位反 匱求位反 匱求位反

也半擇也此謂五捕音步 獵良獸反 皆豈子 反取免 讒構上助 構架也 網也 獵禽獸也 皆豈子

大乘阿毗達磨集論卷第五

非五

無著菩薩造 三藏法師玄奘奉 詔譯

決擇分中諦品第一之三

云何滅諦謂相故甚深故世俗故勝義故不圓滿故圓滿故無莊嚴故有莊嚴故有餘故無餘故最勝故差別故分別滅諦

云却

何等相故謂真如聖道煩惱不生若滅依若能滅若滅性是滅諦相如世尊說眼耳及與鼻舌身及與意於此處名色究竟滅無餘又說是故汝今當觀是處所謂此處眼究竟滅遠離色想乃至意究竟滅遠離法想由此道理顯示所緣真如境上有漏法滅是滅諦相何等甚深故謂彼諸行究竟寂滅如是寂滅望彼諸行不可說異不可說不異不可說亦異亦不異不可說非異非不異所以者何無戲論故於此義中若生戲論非正思議非道非如亦非善巧方便思故如世尊說此六觸處盡離欲滅寂靜沒等若謂有異若謂無異

若謂亦有異亦無異若謂非有異非無異者於無戲論便生戲論乃至有六處可有諸戲論六處既滅絕諸戲論即是涅槃

何等世俗故謂以世間道摧伏種子所得滅是故世尊別名說為彼分涅槃

何等勝義故謂以聖慧永拔種子所得滅何

等不圓滿故謂諸有學或預流果攝或一來

果攝或不還果攝等所有滅

何等圓滿故謂諸無學阿羅漢果攝等所有滅

何等無莊嚴故謂慧解脫阿羅漢所有滅何

等有莊嚴故謂俱分解脫三明大通阿羅漢

等所有滅

何等有餘故謂有餘依滅

何等無餘故謂無餘依滅

何等最勝故謂佛菩薩無住涅槃攝所有滅

以常安住一切有情利樂事故

何等差別故謂無餘永斷永出永吐盡離欲

滅寂靜沒等何故名無餘永斷由餘句故何

故名永出永出諸經故何故名永吐永吐隨

眠故何故名盡見道對治得離繫故何故名

離欲修道對治得離繫故何故名滅當來彼

果苦不生故何故名寂靜於現法中彼果心

苦永不行故何故名沒餘所有事永滅沒故

何故此滅復名無為離三相故何故此滅復

非五

名難見超過肉眼天眼境界故

何故此滅復名不轉永離諸趣差別轉故何

故此滅名不卑屈離三愛故何故此滅復名

甘露離蘊魔故何故此滅復名無漏永離一

切煩惱魔故何故此滅復名舍宅無罪喜樂

所依事故何故此滅復名洲渚三界隔絕故

何故此滅復名弘濟能遮一切大苦災橫故

何故此滅復名歸依無有虛妄意樂方便所

依處故何故此滅名勝歸趣能為歸趣一切

最勝聖性所依處故何故此滅復名不死永

離生故何故此滅名無熱惱永離一切煩惱

熱故永離一切求不得苦大熱惱故何故此

滅名無熾然永離一切愁歎憂苦諸惱乱故何故此滅復名安隱離怖畏住所依處故何故此滅復名清涼諸利益事所依處故何故此滅復名樂事第一義樂事故何故此滅名趣吉祥為證得彼易修方便所依處故何故此滅復名無病永離一切障礙病故何故此

滅復名不動永離一切散動故何故此滅復名涅槃無相寂滅大安樂住所依處故何故此滅復名無生離續生故何故此滅復名無起永離此後漸生起故何故此滅復名無造永離前際諸業煩惱勢力所引故何故此滅復名無作不作現在諸業煩惱所依處故何

非五

三

故此滅復名不生永離未來相續生故如是滅諦揔有四種行相差別謂滅相靜相妙相離相云何滅相煩惱離繫故云何靜相苦離繫故云何妙相樂靜事故云何離相常利益事故云何道諦謂由此道故知苦斷集證滅修道

是略說道諦相道有五種謂資糧道加行道見道修道究竟道

何等資糧道謂諸異生所有尸羅守護根門飲食知量初夜後夜嘗不睡眠勤修止觀正知而住復有所餘進習諸善聞所成慧思所成慧修所成慧修習此故得成現觀解脫所依器性

何等加行道謂有資糧道皆是加行道或有加行道非資糧道謂已積集資糧道者所有順決擇分善根謂煖法頂法順諦忍法世第一法云何煖法謂各別內證於諸諦中明得三摩地鉢羅若及彼相應等法云何頂法謂

各別內證於諸諦中明增三摩地鉢羅若及彼相應等法云何順諦忍法謂各別內證於諸諦中一分已入隨順三摩地鉢羅若及彼相應等法云何世第一法謂各別內證於諸諦中無間心三摩地鉢羅若及彼相應等法何等見道若揔說謂世第一法無間無所得

三摩地鉢羅若及彼相應等法又所緣能緣
 平等平等智為其相又遣各別有情假法假
 遍遣二假所緣法智為相若別說見道差別
 謂世第一法無間苦法智忍苦法智苦類智
 忍苦類智集法智忍集法智集類智忍集類
 智滅法智忍滅法智忍滅類智忍道法
 智忍道法智道類智忍道類智如是十六智
 忍是見道差別相

云何苦謂苦諦云何苦法謂苦諦增上所起
 教法云何法智謂於加行道中觀察諦增上
 法智云何智忍謂先觀察增上力故於各別
 苦諦中起現證無漏慧由此慧故永捨見苦
 非五

所斷一切煩惱是故名為苦法智忍云何苦
 法智謂忍無間由此智故於前所說煩惱解
 脫而得作證是名苦法智云何苦類智忍謂
 苦法智無間無漏慧生於苦法智忍及苦法
 智各別內證言後諸聖法皆是此種類是故
 名為苦類智忍云何苦類智謂此無間無漏

智生審定印可苦類智忍是名苦類智如是
 於餘諦中隨其所應諸忍諸智盡當知於此
 位中由法忍法智覺悟所取由類忍類智覺
 悟能取又此一切忍智位中說名安住無相
 觀者如是十六心剎那說名見道於所知境
 智生究竟名一剎那一切道諦由四種相應

隨覺了謂安立故思惟故證受故圓滿故云
 何安立故謂聲聞等隨自所證已得究竟為
 欲令他亦了知故由後得智以無量種名句
 文身安立道諦云何思惟故謂正修習現觀
 方便以世間智如所安立思惟數習云何證
 受故謂如是數習已自內證受最初見道正

出世間無戲論位云何圓滿故謂此位後圓
 滿轉依乃至證得究竟彼既證得究竟位已
 復由後得智以名句文身安立道諦

如契經言遠塵離垢於諸法中正法眼生者
 此依見道說諸法忍能遠塵諸法智能離垢
 遍知故永斷故道得清淨

非五

五

三

如契經言見法得法極通達法究竟堅法越
度一切希望疑惑不假他緣於大師教餘不
能引於諸法中得無所畏此亦依見道說見
法者謂諸法忍得法者謂諸法智極通達法
者謂諸類忍究竟堅法者謂諸類智越度一
切希望者由諸忍智於自所證無有希慮越
度一切疑惑者於此位中於他所證無有猶
豫不假他緣者於所修道中無他引導自然
善巧於大師教餘不能引者於佛聖教不為
邪道所化引故於諸法中得無所畏者於依
所證問記法中諸怯劣心永無有故何等修
道謂見道上所有世間道出世間道輒道中
道上道加行道無間道解脫道勝進道等皆
名修道
云何世間道謂世間初靜慮第二靜慮第三
靜慮第四靜慮空無邊處識無邊處無所有
處非想非非想處如是靜慮無色由四種相
應廣分別謂雜染故清白故建立故清淨故

何等雜染故謂四無記根一愛二見三慢四
無明由有愛故味上靜慮雜染所染由有見
故見上靜慮雜染所染由有慢故慢上靜慮
雜染所染由無明故疑上靜慮雜染所染如
是煩惱恒染其心令色無色界煩惱隨煩惱
相續流轉何等清白故謂淨靜慮無色由性
善故說名清白何等建立故有四種建立謂
支分建立等至建立品類建立名想建立
云何支分建立謂初靜慮有五支何等為五
一尋二伺三喜四樂五心一境性第二靜慮
有四支何等為四一內等淨二喜三樂四心
一境性第三靜慮有五支何等為五一捨二
念三正知四樂五心一境性第四靜慮有四
支何等為四一捨清淨二念清淨三不苦不
樂受四心一境性對治支故利益故彼二
所依自性支故諸無色中不以此支分以奢摩
他一味性故
云何等至建立謂由七種作意證入初靜慮

五

六

三

如是乃至非想非非想處何等名為七種作
 意謂了相作意勝解作意遠離作意攝樂作
 意觀察作意加行究竟作意加行究竟果作意
 云何品類建立謂初靜慮具輒中上三品熏
 修如初靜慮餘靜慮及無色三品熏修亦介
 由輒中上品熏修初靜慮故於初靜慮中還

生三異熟如初靜慮於餘靜慮中若熏修若
 生果各三品亦介於無色界中無別處所故
 不立生果處所差別然由三品熏修無色定
 故彼異熟生時有高有下有劣有勝

云何名想建立謂於初靜慮所攝定中諸佛
 世尊及得究竟大威德菩薩摩訶薩所入三
 摩地彼三摩地一切聲聞及獨覺等尚不了
 其名豈能知數况復證入如於初靜慮所攝
 定中於餘靜慮無色所攝定中亦介如是所
 說皆依靜慮波羅蜜多
 何等清淨故謂初靜慮中邊際定乃至非想
 非非想處邊際定是名清淨

云何出世道謂於修道中法智類智品所攝
 苦智集智滅智道智及彼相應三摩地等或
 未至定所攝或初靜慮乃至無所有處所攝
 非想非非想處唯是世間不明了想恒現行
 故由此道理故名無想如世尊言乃至有想
 三摩鉢底方能如實照了通達滅定亦是出

非五

七

子

世間攝由聖道後所證得故要於人趣方能
 引發或於人趣或於色界能現在前生無色
 界多不現起由任寂靜解脫異熟者於此滅
 定多不發起勤方便故

云何輒道謂輒輒輒中輒上品道由此道故
 能捨三界所繫地地中上上上中上下三品
 煩惱云何中道謂中輒中中上品道由此
 道故能捨三界所繫地地中中上中中中輒
 三品煩惱云何上道謂上輒上中上品道
 由此道故能捨三界所繫地地中輒上輒中
 輒輒三品煩惱云何加行道謂由此道能捨
 煩惱是名修道中加行道

云何無間道謂由此道無間未斷煩惱令無所餘

云何解脫道謂由此道證斷煩惱所得解脫云何勝進道謂爲斷餘品煩惱所有加行無間解脫道是名勝進道又復棄捨斷煩惱加行或勤方便思惟諸法或勤方便安住諸法

或進修餘三摩鉢底諸所有道名勝進道又爲引發勝品功德或復安住諸所有道名勝進道復云何修如是諸道謂得修習修除去修對治修得修者謂未生善法修習令生習修者謂已生善法修令堅生不忘倍復增廣除去修者謂已生惡不善法修令未斷對治修者謂未生惡不善法修令不生又道生時能安立自習氣是名得修即此道現前修習是名習修即此道現在前時能捨自障名除去修即此道既捨自障令彼未來住不生法名對治修復有四種對治名對治修謂猒壞對治斷對治持對治遠分對治云何猒壞對

治謂於有漏諸行見多過患云何斷對治謂加行道及無間道云何持對治謂解脫道云何遠分對治謂此後諸道又道差別有十一種謂觀察事道勤功用道修治定道現觀方便道親近現觀道現觀道清淨出離道依根差別道淨修三學道發諸功德道遍攝諸道

非五

八

道如是諸道隨其次第謂三十七菩提分法四種正行四種法迹奢摩他毗鉢舍那三無漏根此中一切菩提分法皆由五門而得建立謂所緣故自體故助伴故修習故修果故四念住所緣者謂身受心法復有四事謂我所依事我受用事我自體事我染淨事自體者謂慧及念助伴者謂彼相應心心所等修習者謂於內身等修循身等觀如於內於外於內外亦亦內身者謂於此身中所有內色處外身者謂外所有外色處內外身者謂內處相應所有外處根所依止又他身中所有內色處云何於身修循身觀謂以分別影像

身與本質身平等隨觀內受者謂因內身所
 生受外受者謂因外身所生受內外受者謂
 因內外身所生受如受心法亦亦如於身修
 循身觀如是於受等修循受等觀如其所應
 又修習者謂欲勤策勵勇猛不息正念正知
 及不放逸修習差別故欲修習者謂為對治

不作意隨煩惱勤修習者謂為對治懈怠隨
 煩惱策修習者謂為對治昏沉掉舉隨煩惱
 勵修習者謂為對治心下劣性隨煩惱勇猛
 修習者謂為對治疎漏疲倦隨煩惱不息修
 習者謂為對治得少善法生知足喜隨煩惱
 正念修習者謂為對治忘失尊教隨煩惱正
 非五 九 五

知修習者謂為對治毀犯追悔隨煩惱不放
 逸修習者謂為對治捨諸善軌隨煩惱修果
 者謂斷四顛倒趣入四諦身等離繫四正斷
 所緣者謂已生未生所治能治法自體者謂
 精進助伴者謂彼相應心心所等修習者如
 契經說生欲策勵發起正勤策心持心中

諸句顯修正勤及所依止所依止者謂欲正
 勤者謂策勵等於止舉捨相作意中為欲損
 減昏沉掉舉發起正勤故次說言策心持心
 修果者謂盡棄捨一切所治於能對治若得
 若增是名修果
 四神足所緣者謂已成滿定所作事自體者

謂三摩地助伴者謂欲勤心觀及彼相應心
 心所等云何欲三摩地謂由般重方便觸心
 一境性云何勤三摩地謂由無間方便觸心
 一境性云何心三摩地謂由先修三摩地力
 觸心一境性云何觀三摩地謂由聞他教法
 內自簡擇觸心一境性又欲三摩地者謂由

生欲觸心一境性勤三摩地者謂由策勵發
 起正勤觸心一境性心三摩地者謂由持心
 觸心一境性觀三摩地者謂由策心觸心一
 境性修習者謂數修習八種斷行何等為八
 謂欲精進信安正念正知思捨如是八種略
 攝為四謂加行攝受繼屬對治又欲勤心觀

修有二種謂并因緣聚散遠離修不劣不散
彼二所依隨順修修果者謂已善修治三摩
地故隨所欲證所通達法即能隨心通達變
現又於別別處所法中證得堪能自在作用
如所願樂能辦種種神通等事又能引發勝
品功德五根所緣者謂四聖諦自體者謂信

精進念定慧助伴者謂彼相應心心所等修
習者謂信根於諸諦起忍可行修習精進根
於諸諦生忍可已為覺悟故起精進行修習
念根於諸諦發精進已繫念起不忘失行修
習定根於諸諦既繫念已起心一境性行修
習慧根於諸諦心既得定起簡擇行修習修

非五

十

五

果者謂能速發諦現觀及能修治煖頂引發
忍世第一法如五根五力亦亦差別者由此
能損滅所對治障不可屈伏故名為力
七覺支所緣者謂四聖諦如實性自體者謂
念擇法精進喜安定捨念是所依支擇法是
自體支精進是出離支喜是利益支安定捨

是不染汙支由此不染汙故依此不染汙故
體是不染汙故助伴者謂彼相應心心所等
修習者謂依止遠離依止無欲依止寂滅迴
向棄捨修念覺支如念覺支乃至捨覺支亦
亦如是四句次第顯示緣四諦境修習覺支
修果者謂見所斷煩惱永斷

八聖道支所緣者謂即此後時四聖諦如實
性自體者謂正見正思惟正語正業正命正
精進正念正定正見是分別支正思惟是誨
示他支正語正業正命是令他信支見戒命
清淨性故正精進是淨煩惱障支正念是淨
隨煩惱障支正定是能淨最勝功德障支助

伴者謂彼相應心心所等修習者如覺支說
修果者謂分別誨示他令他信煩惱障淨隨
煩惱障淨最勝功德障淨故
四種正行者謂苦遲通行苦速通行樂遲通
行樂速通行初謂鈍根未得根本靜慮第二
謂利根未得根本靜慮第三謂鈍根已得根

非五

十

五

本靜慮第四謂利根已得根本靜慮四種法迹者謂無貪無瞋正念正定無貪無瞋能令增上戒學清淨正念能令增上心學清淨正定能令增上慧學清淨

奢摩他者謂於內攝心令住等住安住近住調順寂靜最極寂靜專在一趣平等攝持毗鉢舍那者謂簡擇諸法最極簡擇普遍尋思

周審觀察為欲對治施重相結故為欲制伏諸顛倒故令無倒心善安住故又依奢摩他毗鉢舍那立四種道或有一類已得奢摩他非毗鉢舍那此類依奢摩他進修毗鉢舍那或有一類已得毗鉢舍那非奢

摩他此類依毗鉢舍那進修奢摩他或有一類不得奢摩他亦非毗鉢舍那此類專心制伏憊沉掉舉雙修二道或有一類已得奢摩他及毗鉢舍那此類奢摩他毗鉢舍那二道和合平等雙轉三根者謂未知當知根已知根具知根云何

未知當知根謂於加行道及於見道十五心刹那中所有諸根云何已知根謂從第十六見道心刹那已上於一切有學道中所有諸根云何具知根謂於無學道所有諸根依初靜慮地現修道時亦修欲界繫所有善根於彼得自在故如依初靜慮地修欲界善根如是依一切上地現修道時皆能修習下界下地所有善根於彼得自在故

何等究竟道謂依金剛喻定一切麤重永已息故一切繫得永已斷故永證一切離繫得故從此次第無間轉依證得盡智及無生智十無學法等何等為十謂無學正見乃至無學正定無學正解脫無學正智如是等法名究竟道

云何名為一切麤重略說有二十四種謂一切遍行戲論麤重領受麤重煩惱麤重業障重異熟麤重煩惱障麤重業障麤重異熟障麤重蓋麤重尋思麤重飲食麤重交會麤重

非五

十一

夢鹿重病鹿重老鹿重死鹿重勞倦鹿重堅
固鹿重上鹿重中鹿重細鹿重煩惱障鹿重
定障鹿重所知障鹿重

云何繫得謂於鹿重積集假立繫得性云何
離繫得謂於鹿重離散假立離繫得性

云何金剛喻定謂居修道最後斷結道位所

有三摩地或加行道攝或無間道攝加行道
攝者謂從此已去非一切障所礙能破一切
障無間道攝者謂從此無間盡智無生智生
又此三摩地無間堅固一味遍滿為顯此義
薄伽梵說如大石山無缺無隙無穴一段極
善圓滿十方猛風所不動轉

云何名為無間轉依謂已證得無學道者三
種轉依何等為三謂心轉依道轉依鹿重轉依
云何盡智謂由因盡所得智或緣盡為境

云何無生智謂由果斷所得智或緣果不生
為境十無學法當知依止無學戒蘊定蘊慧
蘊解脫蘊解脫知見蘊說

如是道諦揔有四種行相差別謂道相如相
行相出相云何道相因此尋求真實義故云
何如相以能對治諸煩惱故云何行相善能
成辦心令不顛倒故云何出相趣真常迹故
於諸諦中十六行相皆通世間及出世間世
間出世間有何差別於所知境不善悟入善

十三末

悟入性差別故有障無障性差別故有分別
無分別性差別故所以者何於諸諦中無常
苦等十六世間行相不善通達真如性故煩
惱所隨眠故依名言門起戲論故出世行相
與此相違出世行相現在前時雖復現證見
無常義然不依名言戲論門見此是無常義
如無常行相於無常義餘行相於餘義隨其
所應當知亦尔

大乘阿毗達磨集論卷第五

非五

洲渚下音炎水中沙 | 可以居 | 煖煖字 | 循身音上
非來也 | 隙北丘逆也